

ԸՆԴՀԱՆՈՒՐ ՆԵՐՈՒՄՆ

Պետերբուրգ. հոկտեմբերի 21-ին Պաշտօնական. Ուկազ
Կառավարիչ Սենատին.

1905 թուի հոկտեմբերի 17-ին տուած հրովարտակով
Մենք կառավարութեան վրայ պարտաւորութիւն գրինք
կատարել մեր անխախտ կամքը ազգաբնակչութեանը պար-
գեւելու քաղաքական ազատութեան անսասան հիմունք-
ներ: Պետական սոյն դէպքի համապատասխան Մենք
բարւոք համարեցինք ամենից առաջ թեթեւայնել այն
անձանց վիճակը, որոնք նախ քան հրովարտակի հրատա-
րակութիւնը պետական յանցանք էին գործել, ուստի
ամենաողորմածաքար հրամայում ենք.

1) Ազատել հալածանքից, դատից, պատժից և այլ
հետեանքներից և լիակատար ներումն շնորհել այն բոլոր
անձանց, որոնք մինչև հոկտեմբերի 17-ը գործել են 1903
թուի մարտի 22-ին Բարձրագոյն հաստատուած քրէական
օրէնսդրութեան 103, 104, 106, 107, 121, 125, 126
(առաջին մասի) 127, 128, 130, 131, 132, 134, (առա-
ջին մասի 3 կէտ), 163, 164, 166 (երկրորդ մասի) և 173
(չորրորդ մասի՝ որոնք վերաբերուում են առանց բռնու-
թեան կատարուած յանցանքների) յօդուածներով նախա-
տեսնուած յանցանքներ. նոյնպէս և որոնք մասնակցել են
գործադուլներին և վարձման այն պայմանների խախ-
տումներին, որպիսիք նախատեսնուած են պատժական
օրէնսդրութեան 1358, 1358—1. 1358—3 յօդուածնե-
րով համաձայն 1902 թուի հրատարակութեան և հաշ-
տարար դատաւորներից տրուող պատիժների օրէնսդրու-
թեան 41-դ յօդուածով. (չարունակութիւն նոյն օրէնսդրքի):
Սոյն ողորմութիւնը տարածել որպէս դատապարտուած-
ների և պատիժ կրողների, այնպէս էլ նրանց վրայ, որոնց
դէմ դեռ քրէական գործ չի սկսուել կամ դեռ դատա-

րանի կողմից վճիռ չի եղել: 2) Այն անձանց, որոնք պատիժ են կրում սրանից 10 տարի առաջ կատարած պետական յանցանքների համար, այն յանցաւոր միտումների, որոնց համար մատնուած էին զինուորական դատարանի Պետական կարգն ու հասարակաց խաղաղութիւն պահպանելու օրէնսդրութեան 17-դ. և 31-դ. յօդուածներով (յաւելուած առաջին առաջին յօդուածի 2-դ. յաւելուած 14-դ. հատորոյ 1890 թ. հրատարակութիւն) և զինուորական դրութիւն յայտարարած տեղերի օրէնսդրութեան 17-դ. յօդուածի համաձայն, (յաւելուած 23-դ. յօդուածի II հատորը հրատարակութիւն 1892 թ.) ազատել ուղղիչ պատիժներից, իսկ տաժանակիրներին փոխադրել վերաբնակութեան (на поселение), ինչպէս և ցայսօր տաժանակրութիւնից վերաբնակութեան անցածներին իրաւունք տալ, որ բնակութեան տեղ ընտրենց համար մայրաքաղաքներից և նրանց նահանգներից դուրս ուր էլ կամենան, երեք տարի արգելուի նրանց մայրաքաղաքներում և նրանց նահանգներում՝ բնակուելը և յանձնել ոստիկանական հսկողութեան զրկելով նրանց փոխանակ բոլոր իրաւունքների, մի միայն պատժ. օրէնսդր. 43-դ. յօդուածի համաձայն բոլոր առանձնակի անձամբ և ծագմամբ ձեռք բերած իրաւունքներից և առանձնահատկութիւններից:

3) Կիսել այն անձանց պատժի տեղութիւնը, որոնք չեն համապատասխանել սոյն հրամանի վերևի երկու կէտերին և որոնք դատապարտուած են մինչև 1905 թուի հոկտեմբերի 17-ը պետական յանցանքների և այնպիսի զեղծումների ու յանցաւոր միտումների համար, որոնց համար յանցաւորները մատնուած են զինուորական դատարանի համաձայն 17 և 31-դ. յօդուածների, որոնք վերաբերում են պետական կարգի և հասարակաց խաղաղութեան պահպանութեան. 14-դ. հատորի (1-ին յօդուածի առաջին և երկրորդ յաւելուած հրատարակութիւն 1892 թուի), իսկ ցմահ տաժանակրութեան դատապարտուածների պատիժը փոխել 15 տարուայ տաժանակրութեան. վերաբնակութեան արքայի դատապարտուածներին և տա-

ժանակրութիւնից վերաբնակութեան փոխուածներին և փոխուելուներին թողլատրել, որ աքսորավայրում չորս տարի մնալուց յետոյ իրենց համար բնակութեան տեղ ընտրեն համաձայն 2-դ կէտում յիշուած սահմանափակումներին Սոյն կէտում մատնանշած անձանց վերաբերութեամբ հրամայում ենք զինուորական, ծովային և արքայադատութեան նախարարութիւններին նախարարական խորհրդի միջոցաւ ներկայացնել մեզ համապատասխան ամենահարատակ զեկուցումներ դատապարտուածներին վիճակն աւելի ևս թեթեւացնելու, եթէ նրանք չեն դատապարտուել սպանութեան համար և գործի հանգամանքների համաձայն արժանի են առանձին զիջողութեան:

4) Երկրորդ և երրորդ կէտերում յիշուած շնորհները տարածել և անձանց վրայ, որոնք յիշուած կէտերում ցոյց տրուած մինչև հոկտ. 17-ը գործած յանցանքների համար կը դատապարտուեն պատժի:

5) 1, 2 և 3-դ կէտերում յիշուած շնորհները տարածել և այն անձանց վրայ, օգտուել են նախընթաց Բարձրագոյն հրովարտականերով տրուած արտօնութիւններով: Նոյնպէս և նրանց վրայ որոնց պատիժները յիշեալ կէտերում մատնանշած յանցանքների համար թեթեւացրած էին մինչև հոկտեմբերի 17-ը առանձին Բարձրագոյն հրամաններով:

6) Սոյն անձանց, որոնք մինչև 1905 թուի հոկտեմբերի 17-ը պատժուած էին վարչական կարգով (յօդ. 1035 և հետեւեալները օրէնք քրէական դատավարութեան հատոր XVI մասն I հրատ. 1892) պետական յանցանք գործողութիւնների համար՝ համաձայն Բարձրագոյն հրամանների և նրանց, որոնք միևնոյն տեսակ պատժի էին դատապարտուել համաձայն պետական կարգն ու խաղաղութիւնը պահպանելու կանոնադրութեան 16-դ, յօդուածի չարորդ կէտի և 32—36 յօդուածների (1-ին յօդուածի առաջին և երկրորդ յաւելուածներ օրինաց XIV-դ հատորի 1891 թ. հրատ. յանցանքների առաջն առնելու վերաբերութեամբ) ազատել պատժի մնացած մասից:

Կովկասի շրջանում վարչական եղանակով պատժի ենթարկուած անձանց վրայ սոյն կէտում յիշուած շնորհներ տարածելը գործադրում է Կովկասի Մեր Փոխարքան երկրի խաղաղացման չափով:

7) Մինչև 1905 թուի հոկտեմբերի 17-ը բոլոր մահուան դատապարտուածներին և յանցաւոր գործողութիւնների համար նոյն պատժի ենթարկուելիներին մահուան պատիժը փոխարինել 15 տարուայ տաժանկիր աշխատանքով:

8) Սոյն հրովարտակի 1, 2, 3, 4, 6, 7 կէտերում յիշուած շնորհների գործադրութիւնը յանձնել զինուորական և քաղաքացիական դատարանական հաստատութիւններին, եթէ դեռ վճիռներ չեն տրուած, օրինական ոյժ չեն ստացել կամ գործադրութեան չեն յանձնուել. իսկ տաժանակրութեան, վերաբնակութեան և վարչական եղանակով աքսորուածների վերաբերութեամբ՝ յանձնել ներքին գործոց նախարարութեան, տեղական նահանգական և շրջանային վարչութիւններին, իսկ մնացած բոլոր դէպքերում — դատախազներին: Սոյն ուկազի գործադրութեան մասին ծագած կասկածների վերաբերութեամբ բոլոր պետական տեղերը պարտաւոր են դիմել կառավարիչ Սենատի առջին դէպարտամէնտին, որը՝ իւր իրաւասութիւնից վերը եղած դէպքերում օրինական կարգաւ հայցում է լուծումն Մեր կողմից: Երբ կառավարիչ Սենատին տնօրինել ինչ որ պէտք է սոյն կարգադրութիւնն իրագործելու համար:

Իսկականի վրայ ստորագրուած է ՆԻԿՈԼԱՅ:

Պետերսբոլ 1905 թ. հոկտ. 24-ին: